

Velika Turska tura 02.10.26-11.10.26

Ankara, Turska • Autobus

Polazak iz	Sarajevo, Visoko, Zenica, Doboju, (Banja Luka transfer), Tuzla, Srebrenik, Ormanica, Brčko
Smještaj	Hotel ★★★
Usluga	Doručak

O putovanju

Posjetite Istanbul, grad na dva kontinenta, prošetajte ulicama Ankare, istražite podzemne gradove i bajkovite doline Kapadokije, doživite mističnu atmosferu vrtećih derviša u Konyi te uživajte u jednom od najpoznatijih prirodnih fenomena svijeta – Pamukkalama, koje se nalaze na UNESCO listi svjetske baštine. Poseban doživljaj predstavlja mogućnost vožnje balonom iznad Kapadokije u izlasku sunca, kada se pred vama otvara jedan od najljepših prizora koje Turska može ponuditi. Putovanje završava na obali Egejskog mora, u Ayvaliku i Sarimsakliju, gdje ćete upoznati tradicionalni način života, posjetiti poznata mjesta bošnjačke zajednice i uživati u autentičnim okusima turske kuhinje.

Program putovanja

1. DAN | BIH - SRBIJA - BUGARSKA - TURSKA | 02.10.2026. | PETAK

U ranim jutarnjim satima organizovan je polazak putnika iz Sarajeva cca 07:00 ujutro, Zenice, Doboja, Gračanice, Lukavca, Tuzle cca 11 sati, Srebrenika, Gradačca (Ormanica), Brčkog i Bijeljine. Nakon upoznavanja sa pratiocem putovanja slijedi ugodna vožnja modernim turističkim autobusom prema Turskoj.

Putovanje se odvija preko Srbije i Bugarske uz redovne pauze za odmor, osvježenje i individualne potrebe putnika.

Noćna vožnja.

2. DAN | ISTANBUL | 03.10.2026. | SUBOTA

Ulazak u Republiku Tursku u jutarnjim satima i nastavak putovanja prema Istanbulu, gradu koji već stoljećima spaja Evropu i Aziju.

Dolazak u Istanbul u podnevnim satima. Smještaj u hotel. Nakon kraćeg odmora slobodno vrijeme za individualne aktivnosti, šetnju gradom ili uživanje u prvim susretima sa jednim od najljepših gradova svijeta.

Noćenje.

3. DAN | ISTANBUL - ANKARA | 04.10.2026. | NEDJELJA

Doručak. Odjava iz hotela i polazak prema Ankari, glavnom gradu Republike Turske.

Po dolasku slijedi smještaj u hotel i kraći odmor. U poslijepodnevnim satima mogućnost fakultativnog obilaska Ankare. Tokom razgleda upoznat ćete grad koji na jedinstven način spaja bogatu prošlost i savremeni način života. Posebnu pažnju privlače stari dio grada sa uskim ulicama i autentičnim ambijentom, tvrđava Ankara Kale, Hadži Bajram džamija, ostaci rimskog hrama Augusta te monumentalni Anitkabir - mauzolej Mustafe Kemala Atatürka, osnivača moderne Republike Turske.

Nakon obilaska slobodno vrijeme za individualne aktivnosti.

Noćenje.

4. DAN | ANKARA - KAPADOKIJA | 05.10.2026. | PONEĐJELJAK

Doručak. Odjava iz hotela i nastavak putovanja prema Kapadokiji, jednoj od najfascinantnijih regija svijeta poznatoj po nestvarnim pejzažima nastalim vulkanskim erupcijama prije nekoliko miliona godina.

Po dolasku smještaj u hotel. Za zainteresovane putnike organizovan je fakultativni obilazak najpoznatijih lokaliteta Kapadokije. Posjeta muzeju na otvorenom Göreme, lokalitetu pod zaštitom UNESCO-a, gdje su prve kršćanske zajednice gradile crkve i skloništa uklesana u stijene. Nastavak obilaska doline Zelve, jednog od najljepših prirodnih i historijskih lokaliteta regije.

Povratak u hotel.

U večernjim satima mogućnost odlaska na tradicionalno Tursko veče uz folklorni program, muziku i autentične specijalitete turske kuhinje.

Noćenje.

5. DAN | KAPADOKIJA | 06.10.2026. | UTORAK

U ranim jutarnjim satima mogućnost odlaska na jedan od najpoznatijih izleta u Turskoj – vožnju balonom iznad Kapadokije. Tokom leta pruža se nezaboravan pogled na bajkovite doline, kamene formacije i pejzaže po kojima je Kapadokija poznata širom svijeta.

Za putnike koji ne žele letjeti balonom organizovan je odlazak do vidikovca odakle se može posmatrati spektakularan izlazak sunca i stotine balona koji ispunjavaju nebo iznad Kapadokije.

Povratak u hotel i doručak.

Nakon doručka mogućnost fakultativnog obilaska mjesta Uçhisar i Ürgüp, karakterističnih kapadokijskih gradića, te posjeta podzemnom gradu Özkonak, jednom od najvećih i najbolje očuvanih podzemnih gradova regije.

Povratak u hotel. Slobodno vrijeme.

Noćenje.

6. DAN | KAPADOKIJA - KONYA | 07.10.2026. | SRIJEDA

Doručak. Odjava iz hotela i polazak prema Konyi, jednom od najznačajnijih duhovnih i kulturnih centara Turske.

Usputna posjeta impresivnom karavan-saraju Sultan Han, jednom od najbolje očuvanih objekata iz perioda Seldžučkog carstva.

Po dolasku u Konyu slijedi obilazak grada. Posjeta muzeju Mevlana, mjestu gdje se nalazi grobnica velikog pjesnika, filozofa i mistika Dželaludina Rumija, osnivača reda vrtećih derviša. Tokom obilaska vidjet ćete i džamiju Šems-i Tebrizija, Aladinovo brdo te centralni dio grada.

Slobodno vrijeme za šetnju bezistanom i individualne aktivnosti.

Smještaj u hotel.

Noćenje.

7. DAN | KONYA - PAMUKKALE | 08.10.2026. | ČETVRTAK

Doručak. Odjava iz hotela i polazak prema Denizliju i Pamukkalama.

Po dolasku mogućnost fakultativnog obilaska antičkog grada Hierapolisa i jedinstvenog prirodnog fenomena Pamukkale, koji se nalazi na UNESCO listi svjetske kulturne baštine.

Razgledanje bijelih sedrenih terasa poznatih kao „Pamučni dvorac“, nastalih taloženjem minerala iz termalnih izvora. Obilazak ostataka antičkog grada Hierapolisa koji je svoj najveći procvat doživio u vrijeme Rimskog carstva.

Slobodno vrijeme za fotografisanje i individualne aktivnosti.

Smještaj u hotel.

Noćenje.

8. DAN | PAMUKKALE - AYVALIK - SARIMSAKLI | 09.10.2026. | PETAK

Doručak. Odjava iz hotela i polazak prema Ayvaliku i Sarimsakliju na obali Egejskog mora.

Po dolasku smještaj u hotel i kraći odmor.

Za zainteresovane putnike organizovan je fakultativni obilazak Ayvalika. Posjeta vidikovcu Şeytan Sofrası sa kojeg se pruža spektakularan pogled na Ayvalik i okolni arhipelag. Nastavak obilaska centra grada uz slobodno vrijeme za šetnju i kupovinu.

Posjeta tradicionalnoj fabrici maslinovog ulja i selu Küçükköy, poznatom po bošnjačkoj zajednici koja ovdje živi generacijama. Tokom posjete imat ćete priliku upoznati način života lokalnog stanovništva, degustirati proizvode od maslina i uživati u autentičnoj atmosferi ovog mjesta.

Povratak u hotel.

Noćenje.

9. DAN | AYVALIK - EDIRNE - BIH | 10.10.2026. | SUBOTA

Doručak. Odjava iz hotela i polazak prema Edirnama.

Po dolasku obilazak starog dijela grada i veličanstvene Selimije džamije, remek-djela osmanske arhitekture i jednog od najznačajnijih spomenika kulture u Turskoj.

Slobodno vrijeme za individualne aktivnosti i posljednju kupovinu prije povratka.

U poslijepodnevnim satima nastavak putovanja prema Bosni i Hercegovini.

Noćna vožnja kroz Bugarsku i Srbiju uz usputne pauze.

10. DAN | BIH | 11.10.2026. | NEDJELJA

Nastavak putovanja prema Bosni i Hercegovini.

Dolazak u BiH u jutarnjim satima i iskrcavanje putnika na mjestima predviđenim za polazak.

Kraj putovanja.

Termini i cijene

Termin	Cijena
2-11. Okt	869 KM

Tipovi soba

1/1 Jednokrevetna

1/2 Twin

1/2 Double

1/2+1 sa pomoćnim

1/3 Trokrevetna

1/4 Family

Cijena uključuje / ne uključuje

- ✓ Prevoz modernim turističkim autobusom (klima uređaj, TV, audio/video oprema, WC) prema programu putovanja
- ✓ 1 noćenje sa doručkom u hotelu 3* u Istanbulu
- ✓ 1 noćenje sa doručkom u hotelu 3*/4* u Ankari
- ✓ 2 noćenja sa doručkom u hotelu 3*/4* u Kapadokiji
- ✓ 1 noćenje sa doručkom u hotelu 3*/4* u Konyi
- ✓ 1 noćenje sa doručkom u hotelu 3*/4* u Denizli/Pamukkalama
- ✓ 1 noćenje sa večerom i doručkom u hotelu 3* u Sarimsakliju
- ✓ Posjetu karavan-saraju Sultan Han
- ✓ Posjetu gradu Edirne
- ✓ Pratioca grupe
- ✓ Usluge lokalnog turističkog vodiča
- ✓ Troškove organizacije i realizacije putovanja
- ✓ PDV
- ✗ Putničko zdravstveno osiguranje – 30 KM (za osobe starije od 60 godina potrebna je dupla polica)
- ✗ Fakultativni obilazak Ankare – 10 €
- ✗ Fakultativni obilazak Göreme i Zelve – 40 €
- ✗ Odlazak do mjesta polijetanja balona – 10 €
- ✗ Fakultativni obilazak Ürgüpa, Uçhisara i podzemnog grada Özkonak – 40 €
- ✗ Fakultativni obilazak Konye – 10 €
- ✗ Posjetu Hierapolisu i Pamukkalama – 50 €
- ✗ Fakultativni obilazak Ayvalika – 10 €
- ✗ Promo paket svih fakultativnih izleta – 140 €
- ✗ Vožnju balonom u Kapadokiji – na upit
- ✗ Tursko veče u Kapadokiji – na upit
- ✗ Doplata za jednokrevetnu sobu – 420 KM
- ✗ Dodatno sjedište u autobusu – 220 KM

Program putovanja generiran: 11.06.2026

Opšti uslovi putovanja dostupni na: <https://elletravel.ba/opsti-uslovi>

Elle Travel d.o.o